

《佛說無量壽經》 補充講表

◎附表十：以下糅合《佛說無量壽經甄解》

○辛一、求佛法身。辛二、求佛淨土。（願為導御，能有所成。）

※《大智度論》卷七云：「問曰：諸菩薩行業清淨，自得淨報，何以要須立願然後得之？」

譬如田家得穀，豈復待願？

答曰：作福無願，無所標立，願為導御，能有所成。譬如銷金，隨師所作，金無定也。如佛所說：【有人修少施福，修少戒福，不知禪法；聞人中有富樂人，心常念著，願樂不捨，命終之後，生富樂人中。復有人修少施福，修少戒福，不知禪法；聞有四天王天處、三天，夜摩天、兜率陀天、化樂天、他化自在天，心常願樂，命終之後，各生其中，此皆願力所得。】

菩薩亦如是，修淨世界願，然後得之。以是故知，因願受勝果。

復次，莊嚴佛世界事大，獨行功德不能成故，要須願力。譬如牛力雖能挽車，要須御者能有所至；淨世界願亦復如是，福德如牛，願如御者。

問曰：若不作願，不得福耶？答曰：雖得，不如願；願能助福，常念所行，福德增長。」

○過度生死（以下糅合《佛學大辭典》）

一、分段生死：一切眾生，在三界六道中，由於善惡業所感，其壽命皆有分限，其身形皆有段別，故其生死，名分段生死。

二、變易生死：三乘聖者，已斷見思惑，了分段生死，但因修道的結果，迷想漸滅，證悟漸增，此迷悟的遷移，每一期皆不同，其中由前期移入後期，恰如一度生死，其變化神妙莫測，不可思議，故名變易生死，或不思議變易生死。

○布施調意，戒忍精進，如是三昧，智慧為上。

※《佛說無量壽經義疏》云：「布施調意是其檀度，修施治慳名為調意，戒是戒度，忍是忍度，精進進度，三昧禪度，智慧智度，慧勝名上。」

◆此指下定慧為「如是」，及三昧定、最上智慧，合前四度，為六度行。

○一切恐懼，為作大安。

◆「為作大安」者，使苦惱眾生至畢竟安樂大清淨處也，是故佛名「大安慰」也。

※《妙法蓮華經》·觀世音菩薩普門品云：「

是觀世音菩薩摩訶薩，於怖畏急難之中能施無畏，是故此娑婆世界，皆號之為施無畏者。」

○假令有佛，百千億萬，無量大聖，數如恆沙。供養一切，斯等諸佛，不如求道，堅正不卻。

※《漢本》云：「假令有百千，億萬那術佛，如是佛之數，使如恆水沙，計以沙等佛，一

切皆供養，不如求正道，堅勇而不怯。」

○譬如恆沙，諸佛世界，復不可計，無數剎土，光明悉照，……國如泥洹，而無等雙。

◆此為願國土莊嚴：乃願所居國土殊妙，超勝十方諸佛國土，第一義諦妙境界相是也。

○「如是精進，威神難量」：明諸佛如來神通莊嚴，諸佛於彼多土勤現化事，名為「精進」。

化事眾多，故名為「威神難量」。

○我當愍哀，度脫一切。十方來生，心悅清淨，已至我國，快樂安隱。

◆此為願攝眾生：「心悅清淨」者，生因也，明十方聞名發願來生，獲得勝果。心悅清淨，是聞其名號，信心歡喜，發一念淨信也。

○攝取佛國清淨莊嚴無量妙土

※《大智度論》卷七云：「諸菩薩見諸佛世界無量嚴淨，發種種願。

有佛世界都無眾苦，乃至無三惡之名者；菩薩見已，自發願言：我作佛時，世界無眾苦，乃至無三惡之名，亦當如是。

有佛世界七寶莊嚴，晝夜常有清淨光明，無有日月；便發願言：我作佛時，世界常有嚴淨光明，亦當如是。

有佛世界一切眾生皆行十善，有大智慧，衣被飲食，應念而至；便發願言：我作佛時，世界中眾生，衣被飲食，亦當如是。

有佛世界純諸菩薩，如佛色身三十二相，光明徹照，乃至無有聲聞、辟支佛名，亦無女人，一切皆行深妙佛道，遊至十方，教化一切；便發願言：我作佛時，世界中眾生，亦當如是。如是等無量佛世界種種嚴淨，願皆得之。」

○斯義弘深，非我境界。（以下糅合《佛說無量壽經甄解》）

◆『斯義弘深』等者，謂我所願莊嚴妙土，唯佛與佛知見，非佛說不能知，非他力不能見。

※《宋譯》云：「我智慧微淺，不能了知嚴刹之行，如來應正遍知，願為宣說諸佛刹土莊嚴之事。」

○譬如大海，一人斗量，經歷劫數，尚可窮底，得其妙寶。（以下糅合《佛說無量壽經甄解》）

◆「譬如大海」一句兼讚歎，法藏志願深廣喻大海深廣，此乃有歎願心廣大意，應上「知其高明」句。「一人斗量」下正教滿大願海之法。「得其妙寶」者，喻終取正覺。

○天人之善惡，國土之粗妙，應其心願，悉現與之。（以下糅合《佛說無量壽經甄解》）

※《佛說無量壽經義疏》云：「『天人善惡』泛說一切諸土之因，『國土粗妙』泛宣一切諸

土之果。粗猶粗也，說惡說粗，令其舍遠，說善說妙，使其修習等。」

◆「應其心願，悉現與之」：佛於二百一十億土中，選取法藏心中所欲妙土，說以與之比丘，

合彼選擇取。

○其心寂靜，志無所著。一切世間，無能及者。（以下糅合《佛說無量壽經甄解》）

◆『其心寂靜』等，是發願思惟願相，猶不著其相，定意也（根本無分別智），次下

『思惟攝取』是慧相也，定慧相即，世間無及。

○具足五劫，思惟攝取莊嚴佛國清淨之行。（以下糅合《佛說無量壽經甄解》）

◆佛國是所莊嚴，清淨之行是能莊嚴，以福智清淨行能莊嚴依正故。是時法藏發願，欲莊

嚴佛國，故具足五劫，思惟攝取能莊嚴行，故非正修行時也。其猶如欲造城而思惟其材，

故屬發願時而已。